

Գաբո բիծու շերամապահուլթյունը



Exported from Wikisource on 08/05/20

Գաբո բիծու
Չերամապահությունը [Երկու](#)
[հայր](#)
→
←
[Խորհրդավոր](#)
[ծերունին](#)
Հովհաննես Թումանյան

[67] ԳԱԲՈ ԲԻԶՈՒ
ՇԵՐԱՄԱՊԱՀՈՒԹՅՈՒՆԸ

Ես ու Գաբո բիծեն անցնում էինք
Լոռու ձորով:

— Հե՛յ, տիրացու,— ձայն տվավ նա:

— Համմե՛:

— Հրամանքդ շատ: Ես տեսնում եմ,
որ էս մեր նոր ուսում առածները շատ
աշխարհից դուրս մարդիկ են, դու սրան
ի՞նչ կասես:

— Ինչո՞ւ, Գաբո բիծա:

— Նրա համար, որ հենց գիտեն՝
ամեն բան մենակ իրենք են հասկանում,
իրանցից առաջ էլ ոչ մարդիկ են եղել, ոչ
բան են հասկացել: Մին էլ կտեսնես
բռնեցին ու գլխիդ գելի ավետարան
կարդացին. հա՛ էս ճանճ պահի՛ր, էս
աբբշումի ճիճու պահի՛ր, էսպես մածուն
շինի՛ր, էսպես ցանի՛ր, էսպես
հնձի՛ր... Տո՛, հեր օրհնած, մի առաջ
հարցրու, տես՝ էդ բաները դրանք էլ
միտք են արե՞լ, թե չէ, նրանից ետը՝
թեկուզ ուշունց տուր:

— Հետո միտք եք արել որ, Գաբո բիճա:

— Ախպեր, ա՛յ, ես հիմի, օրինակի համար, մինն ասեմ, դու տես, մենք էլ հացակեր մարդիկ ենք, բան ենք հասկանո՞ւմ, թե չէ: Մի աշունք մեր Դավոն գնաց քաղաքը խոզ ծախելու: Մի ճանանչ մարդ աբրեշումի ճիճվի սերմ էր տվել, թե տարեք ձեր տեղը առաջ բերեք: Ճամփա պահեցինք մինչև գարունքը բաց եղավ: Գարունքը որ բաց էլավ, ոնց որ խրատ էր տվել՝ էս ճիճվի սերմը բերինք մեր խիզանի ծոցում դրինք, որ տաքանան, դուրս գան: Դուրս եկան՝ ասեղի ծերի չափ մանր սև գատեր:

— Տիրացո՛ւ:

[68]— Համմե՛: — Էդ ձեր ուսումնականները թե գիտեն աբրեշումի ճիճուն ի՞նչ կուտի:

— Թթան տերև:

— Ապրե՛ս, դրուստ ա: Գնացի ձորից մի շալակ թթան տերև բերի, կապեցի մենժ տան ամբարի ոտիցն ու ճիճուն վրեն ածի: Ինչքան մարդ եկավ նայելու, ոչ ոքի տուն չթողինք, որ աչքով չտան, ասինք՝ թող մի տեսնենք՝ ինչ ա դուրս գալի: Ա՛յ տղա, էդ անտեր ճիճուները մի քանի օր կացան ու կոտորվեցին: Հիմի թե ասենք՝ նրանի՞ց էր, որ գոմեշի ձագը շատ էր մոտ կապած, ոտնատակ էր տալիս, թե նրանի՞ց էր, որ հավերը տուն էին թափում՝ կտցահարում, դե ո՞նց անենք: Հո՛ չէինք կարող հավերը կոտորել, կամ ձագն սպանել: Թե ասենք՝ անձրևիցն էր, որ երդիկով ներս

Էր թափում, մին էլ մարդ միտք ա անում,
թե բա քաղաքումն անձրև չի՞ գալի . . .
Մի խոսքով՝ բան գլուխ չեկավ: Տեսանք,
որ մեր երկրումը աբրեշումի ճիճուն
անում չի, բան չի դառնում: Դե՛,
գարմանալու ի՞նչ կա որ. էնպես երկիր
կա՝ հավք չի ապրում, էնպես երկիր կա՝
ցորեն չի դուրս գալի, ամեն աշխարհք մի
տեսակ բնություն ունի, բայց էս մեր նոր
ուսում առածները էսքանն էլ չեն
հասկանում:

About this digital edition

This e-book comes from the online library [Wikisource](http://wikisource.org)^[1]. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](http://creativecommons.org/licenses/by-sa/3.0/)^[2] license or, at your choice, those of the [GNU FDL](http://www.gnu.org/copyleft/fdl.html)^[3].

Wikisource is constantly looking for new members. During the realization of this book, it's possible that we made some errors. You can report them at [this page](#)^[4].

The following users contributed to this book:

- Վսպգեն
- GeoO

-
1. [↑](http://wikisource.org) <http://wikisource.org>
 2. [↑](http://www.creativecommons.org/licenses/by-sa/3.0) <http://www.creativecommons.org/licenses/by-sa/3.0>
 3. [↑](http://www.gnu.org/copyleft/fdl.html) <http://www.gnu.org/copyleft/fdl.html>
 4. [↑](http://wikisource.org/wiki/Wikisource:Scriptorium) <http://wikisource.org/wiki/Wikisource:Scriptorium>